



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Joannis Nadasi, è Societate Jesu, Annus Caelestis,
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

Nádasi, János

Coloniae Ubiorum, 1667

4 Maji. 4 Nonas Maji.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

tes, fugante. In ramis autem arboris, *ardentium lampadum* specie, corda pendebant; arboris succo illis dante nobile alimentum. ac tunc divinitus es edocta, ut, *qui vult Deum diligere*, id quærat in cogitatione cruciatuum Christi, Cruci affixi. Appende cor meum, instar vivæ, ac alimento & igne cælesti plenæ lampadis, Cruci Christi: ut serîdò velim *Deum diligere*; idque discam à Crucifixo, qui dilexit me, & tradidit semetipsum pro me.

OMNES SANCTI, &c.

pag. 320.

S. MARIA, *qua in monte Serrato, hodie, repentiè usum unius manus, quo penitus carebat, cuidam restitisti. Tuo amori dedico manus, & cor, cogitationes, & opera mea: tu illa Filio tuo siste!*

S. MARIA, *cujus Coronationis festum hodie Bononiæ celebratur; corona me nunc, & morientem potissimum, in Dei misericordiâ, & perseverantiâ dono!*

4 Maji. 4 Nonas Maji.

SANCTA Monica, quæ & maritum, & filium convertisti: felix mater, cui

cui S. Ambrosius dixit; impossibile esse, ut Augustinus, tantarum lacrymarum, quas pro illo convertendo pia mater fundebas, filius intereat: quæ cum filio de cælestibus dulciter collocuta, illuc suspirabas, & abiisti, ubi jam unâ cum illo es: quæ moritura, ut sacrificium pro te mortuâ fieret, unicè flagitasti. Ora pro me, unâ cum sancto illo tuo filio, sancta mater; ut sim et ego filius, non jam lacrymarum, sed orationum tuarum; sitque impossibile, ut filius tantarum precum inteream. Amen.

S. Silvane Episc. & sancti triginta novem Martyres, ad metalla damnati, ferro candente adusti, capite cæsi.

S. Cyriace Ep. Martyr.

S. Porphyri Martyr.

S. Antonia, quæ, post immanes cruciatus, altero brachio tribus diebus suspensa, & in carcere biennio detenta, flammis exusta es.

S. Florianæ, qui quadraginta annorum tuorum militum Martyrum exemplo, ad martyrii gloriam incitatus, fustibus in scapulis, & ferro verberatus, cum in ponte Anasi fluminis, in Austriâ, per horæ spatium orares, alligato ad collum saxo,

in

in fluvium præceps dejectus es. cuius corpus in saxo ab aquis depositum, prægrandis aquila, divinitus missa, protexit. Tu verò Valeriæ viduæ te spectandum præbens, eam de condendo tuo corpore monuisti.

S. Pelagia Virgo, in baptismo, Angelorum, & MARIÆ aspectu recreata: quæ in bove æneo, pro Christo, comburi maluisti, quàm, negato Christo, nubere Imperatori; ac demum, cælestis oraculi monitu, eo in loco, qui *mons congregationis* dicitur, sepulta es.

S. Pauline M.

SS. Veneri, & Sacerdos, Episc.

S. Curcodome Diacone.

S. Catharina, à Beatissimâ Virgine à Judaismo ad fidem vocata, postea sanctimonialis.

S. Valeriane M. qui etiam post mortem hostem fugasti, quando per Urbis tibi devotæ mœnia obequitare, per noctes aliquot, es conspectus.

S. Joannes cæce M. ex Ægypto, mirâ memoriæ vi omnes divinas literas complexe.

S. Gotharde Episc. qui cum mortuum adolescentem ad vitam revocasses & expiasses, ille tibi supplex

plex, Jube, ajebat, jubeme, sancte Pater, nunc iterum in pace quiescere. *Mundum nimis horreo, qui suos amatores mittit in gehennam. & te illi benè precato, ille iterum requievit in pace. qui hebeti Pataviensis civis filio sapientiam admirabilem impetrâsti: qui miram excommunicationis vim, etiam mortuorum testimonio, ostendisti: in cujus honorem concepto voto, unicus Comitatus cujusdam in Ungariâ filius mortuus, vitæ est restitutus: qui, cum in agone tuo cantari illud, *illuminare his, qui in tenebris, & in umbrâ mortis sedent*, audisses, adjunxisti: *Ad dirigendos pedes nostros in viam pacis; & dum Gloria Patri, &c. caneretur, cum Antiphonâ, Ascendo ad Patrem meum, ac Patrem vestrum; ad Patrem nostrum, qui est in cælis, ascendisti. Juva me, ut et ego ascendam.**

OMNES SANCTI, &c.
pag. 320.

S. MARIA, qua S. Gothardum prehensâ manu ad Crucifixum duxisti, & ut errati cujusdam non gravâ veniam peteret, impetrâsti: duc me ad JESUM: doce me veram pœnitentiam de minimis etiam peccatis; ut sim mundus totus!

S. MARIA,

S. MARIA, *cujus imago Modica, in Sicilia, hoc die, manè, anno 1615. supra collem reperta est; & per plures deinde annos, è colle illo, frequenter splendores ac radii emicabant, ac opidum illustrabant, colle idcirco à spinis postea expurgato. Ibi sabbato quodam, dum Litania tua canerentur, plurimi ope tuâ sunt persanati. Sana me, Domina, & sarabor, etiam ab occultis morbis meis. Imple cor meum splendoribus Sanctorum: exure igne amoris Dei spinas meas, quæ sauciant animam meam!*

5 Maji. 3 Nonas Maji.

SANCTA Jutta Vidua, quæ Sanctorum Vitas à teneris legens, à Christo, pro quo è ditissimâ pauperrima facta es, audisti: *Omnia mea tua sunt.* Simulque potestatem accepisti, ut è divino arario Cordis Dei Jesu, quemcunque tibi velles, thesaurum depromeres; deprompsisti sanctam in divinis penetrandis sapientiam. Sæpè elevatum à terris in cælum corpus, etiam anima est secuta, quando à Christo ad æternitatis delicias invitata, ivisti. Doce me legere, & imitari vitam, ac pretiosam mortem Sanctorum: deprome